

Қарашаңырақтан қол үзбейміз



Жұмыстан келісімен мерзімді басылымдарды сұратып оқу алдыңғы буын өкілдерінің күнделікті әдетіме айналған. Өйткені, газет адамның жан дүниесін ашып, танымын толықтырып, кеңейтіп, ретті жерінде көзқарасын да өзгертіп отыратын күшке ие. Осы ретте мен басқаратын «М.Әуезов атындағы Оңтүстік Қазақстан университеті» АҚ өңір жаршысы «Оңтүстік Қазақстан» газетін асыға күтіп отырады. Басылымда тарихи-танымдық мақалалармен қатар көрнекті ғалымдардың зерттеу еңбектері де басылып тұрады. Газет бізге осынысымен де қымбат. Сондықтан қарашаңырақ басылымға ұжым болып жыл сайын жазылып отырамыз.

Университет кітапханасында «Оңтүстік Қазақстан» газетінің бірнеше жылдық тігінділері сақтаулы. Себебі, ізденушілер мен оқытушылар одан керекті материалдарды іздеп табады. Бізге сонымен қатар газеттің айқарма бетінде жарық көретін салықалы сұхбаттар мен танымдық материалдар ұнайды. Басылым бетіндегі әдеби дүниелер де талғамымыздан шығады. Университетіміздегі филология, философия және тарих, өнер факультеттерінің ғалымдары мен студенттері газет бетінде жарық көрген әңгіме, өлеңдерді, тарихи-танымдық материалдарды өзара талқылап отырады.

Түркістан қаласының облыс орталығына айналып, дербес аймақ болғаны-

мен, біз байырғы басылым «Оңтүстік Қазақстан» газетіне бауыр басып қалғанымыз сондай, әлі де қол үзгеніміз жоқ. Жылдағы дәстүрмен биыл да қоғам қайраткерлері уығын шаншып кеткен аға басылымға ұжым болып түгел жазылуды мақсат етіп отырмыз. Сондай-ақ, барша жоғары және арнаулы орта оқу орындарының басшыларын, оқытушыларын, студенттерін «Оңтүстік Қазақстан» газетіне жазылуға шақырамын.

*Дария ҚОЖАМЖАРОВА,
«М.Әуезов атындағы
Оңтүстік Қазақстан
университеті» АҚ президенті,
тарих ғылымының докторы,
профессор, ҚР ҰҒА академигі.*